

على فين يا إخوة ؟! | "كيف تستعد لشهر رمضان ؟!" | د. حازم

شومان

حازم شومان

تقيل منا ومنهم ومنكم صالح الاعمال. وان يرزقنا واياكم الاخلاص والصدق. والسنة كما قال النبي عليه الصلاة والسلام كبر ان نقدم الاكبر في السن. فالدكتور حازم عجوز. قصدي آآ شاب بس كبير - 00:00:00
بلاش والشيخ احمد جلال كبير المقام والقدر لكنه اقل آآ اقل في السن من الدكتور حازم او اصغر في السن دكتور حازم لكن آآ دكتور حازم قال لي قدم الشيخ احمد جلال. انا مش هاتكلم الاول اقدمه. طيب. اقدم اخي الحبيب الشيخ احمد جلال ربنا يحفزه ويترفج في هذه الامور - 00:00:20

السلام عليكم ورحمة الله وبركاته السلام عليكم. يا عم انتم قاعدين نايمين ولا ايه؟ ربنا حبيب قلبي يحفزكم ويبارك فيكم يا رب.
ويعلم الله سبحانه وتعالى وحده قدر العاطفة التي في قلوبنا تجاهكم يعني النبي عليه الصلاة والسلام هو باين انا اللي هتكلم الاول ولا ايه؟ لا باخر الكلام ده بقى ان شاء الله اما بيجي دورى ولكن لا اتقدم بين يدي آآ - 00:00:42

الشيخ احمد جلال ربنا يحفظه. يعني انا بحبه وزي ما انا مشتاق ان انا اسمع دكتور عبدالرحمن الصاوي. وزي ما قلت لاخواني امبراح كده في الدرس انا جاي اقعد تحت. يعني انا حتى جاي - 00:01:09

والله يا جماعة كنا بنحاول نقسم ورس. يعني ناس وارسة تقريبا مية وخمسين مليون جنيه او ميتين مليون جنيه. وما احمدوا ربنا والله. احمدوا الله. يعني الحمد لله والشكر لله. فكنا بنقسم مرسي ده من الصبح بقوا من ساعة - 00:01:19
وانا مع اخواني واحبابي دكتور محمد جودة ودكتور مصطفى رفعت. باشمهندس علي زيادة ودكتور احمد عبدالمنعم. ودكتور احمد امين مش عارف بقى هم انتشر وسط الناس يعني. يعني مع واحبابي ونور عيني انا لما بقى مع الاخوه بقى حاسس ان انا في الجنة والله يا اخواني. والله العظيم يعني الواحد بيتعبد لله بصلة اخوانه ويرى ان الصلة - 00:01:39

بياننا وبين بعض لا عشان الدين يقوم ولا عشان الدين بيقى قوي. ولا عشان قوتنا في وحدتنا. وان كان كل ده حق ولكن لان قضية الوحدة دي قضية جنة ونار. احنا لو تفرقنا هنروح جهنم. ولن تزدنا شغلنا في الدعوة الا بعد والعياذ بالله. لو تفرقنا هنروح جهنم - 00:01:59

فيعني يعني رحنا لفضيلة الشيخ احمد جلال الرابع اللي فات انا والدكتور عبدالرحمن الصاوي كبسنا عليه ودبسنا وخلانا نتكلم رغم ان احنا كنا رايحين جاينين نقدر الداعية ليس هو الذي معه المايك والميكروفون. الداعية هو كل من يحمل هم الاسلام. وكل من يعمل لدين الله. اه المرة دي جينا نكبس على دكتور عبدالرحمن فهو برضو - 00:02:19

ده الشيخ احمد جلال كده ناصح وايه وقام آآ مدبسنا ان احنا نقدر انا يعني اردت بس ان انا اقدم الشيخ احمد جلال عشان اقول له انا بحبه قد ايه - 00:02:39

عشان آآ آآ اقول له انتم برضو بتحبوا قد ايه وعشان آآ آآ يعني ايه آآ يعني اقول لكم يا اخواني في الله ان الحب اللي بینا وبين بعض ده - 00:02:49

ممکن نقف به في ظل عرش الله على منابر من نور. كل شغلنا في العبادة ممکن ما يوقناش في ظل عرش الله على منابر بنور. انما الحب الصادق بين الشيخ احمد جلال من الدعاء اللي - 00:02:59

ربنا فتح عليهم واللي ربنا اكرم المنصورة بهم زي دكتور عبدالرحمن الصاوي. اللي المفروض نحمد ربنا على ان ربنا يعني جعل فينا مثل هؤلاء الدعاة. اللي قاعدين ليل نهار يفكروا الدين ينتشر ازاي؟ الشباب يتوبوا ازاي؟ الاخوة تتربي ازاي؟ الدعاة يأتلفوا ازاي؟
الخير بيجي ازاي؟ الدين - 00:03:09

ينتشر في حياة الناس ازاي؟ فيعني حمدا لله على نعمة الدعاء الافاضل اللي ربنا رزقنا بهم. حاولت ان انا اقدم شيخ احمد جلال ودكتور عبدالرحمن طبعا وجزاكم الله خيرا. الشيخ احمد جلال الميكروفون مش هيرجع. انت اللي اصل انا هسيب مشاكل في الآخر جزاكم الله خير - 00:03:29

يعني هو بصراحة انا لا اجد ما اقوله امام هذه المشاعر بعد حمد الله والصلوة والسلام على رسول الله صلى الله عليه وسلم. الا ان اقول هو النبي صلى الله عليه وسلم - 00:03:49

يقول يعني يؤم القوم اقرأهم لكتاب الله واقرؤنا واعلمنا فيما احسن يعني والدكتور حازم فطبعا من باب كما قدمني ليدل على الحب فانا هرد اليه المايك مرة ثانية من باب قول النبي صلى الله عليه وسلم يؤم القوم اقرأهم لكتاب الله وما اظن ان هو هيرد حدث النبي صلى الله عليه وسلم - 00:04:00

قال رسول الله صلى الله عليه وسلم اجمل حاجة عند السلفيين ما عندهم مشكلة. بص عايز تجيب لي حديث لك حديث السلفيين عندهم ادلة على كل حاجة. ربنا يحفظك يا شيخ محمد جزاكم الله خيرا. آآ يعني باسم الله - 00:04:20

الصلوة والسلام على رسول الله. آآ والله يا اخواني انا بس آآ يعني الواحد مشغول بقضية ولانه مشغول بقضية. آآ ما بحبش بس الخناقات لان الايام دي الدروس كلها بتبقى خناقات يعني. يعني لان احنا كده يا جماعة مش هنقدر نكمل. احنا لو فضلنا ماشيين بالطريقة دي مش هنقدر نكمل. فضل ومني - 00:04:48

الله سبحانه وتعالى يعني ربنا جمعنا على طاعته فلازم نصدق بعض. زي ما النبي عليه الصلاة والسلام قال فيما يرويه عن رب العزة حقت محبتي للمتحابين في. وفي الحديث وحقت محبتي للمتناصحين في. اخواني في الله. الاخوة تايهة يا جماعة. الاخوة تعابة. الاخوة يعني الملزمة الان في حالة - 00:05:08

يعني الواحد لاحز الاخوة ممكن تكون بتعرف تصلي ممكن تكون بتعرف تطلع عمرة وتطوف والاخوة ممكن تكون بتعرف تعمل حاجات كتير لكن يا جماعة معظم الاخوة للاسف الشديد مش عارفة تتعامل مع الحياة. مش عارف يتعامل مع اخوه الاخوة والتواصل. وان انا ادي وقتني لاخويا وازور اخويا - 00:05:28

واحب اخويا وابزر من وقتني لاخويا. تلاقى حتى الاخوة اللي شغالة مع بعض نقدر عشان نتفق على شغل. طب نقدر نحب في بعض احنا نقدر نحب في بعض يا ابني ده اللي يوقفنا في ظل عرش الله. مش عارفين نتعامل مع بعض. مش عارفين نتعامل مع العصاة. الاخ يعدي جنب الشاب وهو قاعد على القهوة. مش عارف اضحك في وشه ولا - 00:05:48

ولا ما سلمش عليه؟ ولا ادخل اضربي؟ ولا اكلمه ازاي؟ ولا اعمل ايه؟ مش عارف يتعامل مع العصاة. مش عارفين نتعامل مع الازمات. والنوازل انا اذكر ايام ازمة غزة كان الاخوة ستنفجر عقولهم. نعمل ايه؟ ما هوش عارف ايه اللي اقدر اعمله؟ مش عارف. مش - 00:06:08

عارفين نتعامل مع الاذى امام النوازل والازمات لما حصل ثورة خمسة وعشرين يناير المعظم وقف مشلول ما هوش عارف كيف اتعامل مع الموقف مش عارفين تعاملوا مع الخلاف. الخلاف يعني ممكن الخلاف يبقى تصفية حسابات. يعني مش عارف حصل ايه واتباعت الساعة في المزاد؟ يا جماعة قضية وقضية - 00:06:28

يعني فيها يعني القضية مش ما تعاملش بالطريقة دي ابدا. ابدا ومن مان وقضية فيها اجتهاد وفيها وفيها وتلاقى كأن ناس بتتصفي حسابات ساعة الخلاف والعياذ بالله. نحو الخلاف لحريقه نحو الخلاف - 00:06:48

عداوة نحو الخلاف نفض لبعض ونسيب قيام الليل والدعوة الى الله. ونفضل بعض نحطم في بعض. مش عارفين نتعامل ساعة الخلاف. مش عارفين نتعامل مع نفسنا ساعة معاصي السر الاخ لما بيقع في معصية سرينهار ويحطم ويحيط وتلاقيه ما عدش قادر

يعمل اي عبادة. ويقول لك انا منافق - 00:07:05

مش عارف يتعامل مع نفسه. مش عارف يتعامل مع نفسه. يبقى احنا عندنا ازمة مش عارف يتعامل مع الدنيا. تلاقي الاخ يا اما مجتهد وقاعد اشتغل في الدعوة واول ما ينادي له عقد عمل فكانه لا يعرفنا ولا نعرفه. يرمي نفسه في احضان الدنيا وينسى دينه. يا اما اخ تاني رامي الدنيا - 00:07:25

تماماً ومش عارف ومش عارف يتعامل معها. وقافل على نفسه تماماً. طب يا جماعة لحد امتى يا اخوانا هنفضل كده؟ لحد امتى هيفضل قلبنا اللي هم الاخوة كده. لحد امتى هيفضل ثمرة الدعوة وثمرة الدروس اللي ليل نهار. وثمرة العلم والمعاهد العلمية - 00:07:45

اخوة بقى الفجر اللي بيبرغ دم قلب الدعوة. ثمرة الدعوة لما الاخ يطلع يفضل تاييه. مش عارف يعمل ايه. مش عارف مش عارف يوصل. مش عارف كيف يستعمل وكيف يصل الى الله. عشان كده كان امبارح امبارح كان الجمعة وده في الجماعة الشرعية بنتكلم عن مفهوم خطير جدا - 00:08:05

جدا جدا جدا. ولا يزال الواحد يتحدث عنه. دي رسالة مفهوم بيئه الایمان يا جماعة. يا اخوانا انت مش هتربى لما تتحط في بيت ايمان. حته اللحمة لو انا جبتها. وقمت حاططها مایة بتغلي كده. حطتها تلات دقايق وقمت مطلعها تاني. وبعد كده بعد خمس دقايق قمت حاططها - 00:08:25

المایة اللي بتغلي تلات دقايق ومطلعها تاني. بعد نص ساعة حطيتها في المایة اللي بتغلي التلات دقايق ونطلعها تاني. اللحمة دي هتستسوي امها بتستسوي. دا هتبوز. او مال امتى تستوي لما احطها جوة المایة اللي بتغلي فترة طويلة. اهي دي بيئه الایمان. انت مش هتستسوي. مش هتربى. مش 00:08:45

الا لما تعيش في بيئه الایمان فترة من حياتك. زي ما بزرة بتتحط في التربة سنة سنتين تلاتة لحد ما تبقى شجرة. انت لازم التربية عشان تربى عشان تربى. النبي عليه الصلاة والسلام ربى جيل واحد لحد دلو قتي بعد الف وربع ميل سنة قوة دفع التربية لجيل - 00:09:05

ممشية الدين بقدرة الله سبحانه وتعالي وبرحمة الله سبحانه وتعالي. لازم يا جماعة نرجع تاني لبيت الایمان. لازم الاخ يفهم ان الدين مش ان انا احضر درس يوم السبت. وبعد كده ان شاء الله بعد اربع تيام ابقى اروح حاضر درس للشيخ احمد جلال. يوم الحد. احنا عايزين بقى فيه مفهوم لبيت الایمان في حياتنا. عايزين نعيش - 00:09:25

مع بعض يا جماعة. عايزين نتعرف على بعض. الناس اللي قاعدة دي عارفة بعض. انت عارفين بعض. يعني لو انا سألت اخ حسام اللي على يمينك اسمه ايه طب اللي على شمالك اسمه ايه - 00:09:45

بلاش حسام ده احسن حسام آها قل لي يا عم الشيخ انت. اللي على يمينك اسمه ايه طب العشرة اللي على يمينك كل اسم واحد منهم محمد ما هو لازم في واحد في محمد. طب العشرة اللي على شمالك قل لي اسم واحد. يا جماعة ما ينفعش. لا يمكن - 00:09:57

ما فيش دين هيقوم كده. لم نصل الى شيء. الا فين بيئه الایمان يا اخوانى؟ ان احنا نترابط ونتواجد ونتواصل من وقتنا البعض والدعاة يبقوا وسط الناس احنا مش جايدين النهاردة اربعة عشان المسافة ما بين المغرب والعشاء طويلة قوي يعني فدكتور عبدالرحمن شهيد الدرس لوحده لا يا جماعة - 00:10:18

ده عشان ان احنا نبقى عايشين مع بعض. كنت انا عند دكتور عبدالرحمن من يومين ج Zah الله خيرا عمل لي سمك مقلبي بقى ما اقولكوش يعني. ج Zah الله خيرا يعني. وآآ - 00:10:38

دكتور غريب رمضان كان برضه بيتجدد معنا يعني بفضل ومنه الله سبحانه وتعالي قبلها كنت عند الشيخ عادل لطفي برضه كان سمك مشوي ومقلبي بقى كان حاجة هتقول لي يا عم - 00:10:48

الاخوة. ده انت يا عم ان انت تبذل وقتك لاخوانك هتاكل اكل. هتاكل فوق كان فيه الكرما كانوا التزموا في جولة فيبيتكلموا خايفين

من طريق الدين يقى. هم الوقتي ما شاء الله شغالين في الدعوة وعاملين مشاريع جميلة قوي يعني. وعاملين فقلت لهم يا ابني ده انت هتكلوا اكل. وبعد فترة - 00:10:58

فترة كل ما ده عازم دول النهاردة وده النهاردة عقيقة وده النهاردة وليمة. وده النهاردة وليمة العرس. وده في الاعتكاف مش عارف مين جايب ايه. فكل ما اقابلهم يقولوا لي - 00:11:18

انت قلت ان هتكلوا اكل. واحنا بناكل اكل. ده الاخوة جميلة يا جماعة. كل يوم هو في بيته. كل يوم نهار ده بطة عند الدكتور عبدالرحمن بعده حمام محشى عند الشيخ احمد جلال. طبعاً الشيخ احمد جلال يعني يعني بيئه الایمان يا جماعة نحن نتحدث عن - 00:11:28

سبب الدمار الذي نحن فيه. انا باقول لكم الوقتي سبب الفجور اللي في نوادينا. سبب الفجور اللي في جامعتنا. سبب الفجور اللي في شوارعنا سبب المشاعر اللي قلوبنا بتترجف لما بشوفها في الشوارع بتحصل. وانت ما انتاش عارف تذكر ده ولا ده ولا ده. سبب الدمار اللي فيه شباب - 00:11:48

قال تعالى كزرع اخرج ايها ؟ شطأة ان فيه شجرة وطلعت فروع يبقى ربنا شبه النبي والصحابة كانهم شجرة في الترابط والتماسك والتواصل هو ده الدين. ولن يخرج دين الا لما ده هيحصل. القضية مش قضية انك انت - 00:12:08

سمعت درس الصحابة لو كانوا بيسمعوا درس من النبي ويبروحوا ما كانواش وصلوا لحاجة. انما الصحابة شافوا النبي بشغل. شافوا النبي بيأكل ورق الشجر في الشعب فلما طلعوا في ذات الرقاع كلوا ورق الشجر. مش لأن النبي قال لهم كلوا ورق شجر. لأن النبي كل ورق شجر لحد ما تقرحت شافته. عليه الصلاة والسلام - 00:12:28

شافوا النبي بيتحنق من عقبة ابن ابي معيط في صحن الكعبة. ووقع اغمى عليه. واول ما افاق قام ما بتصش مين قتلته. مين كان بيحاول يخنقه الله اكبر وقام مكمل صلاة. فطلع حرام ابن بلحان بيتكلم في الدعوة. جه واحد طعنه قتلته ما بتصش مين قتلته. قال فزته ورب الكعبة - 00:12:48

شاف النبي شافه لما شافه النبي بيعمل كده طلعوا كده. شاف النبي عليه الصلاة والسلام ابنه بيموت. ابنه مات الصبح وواقف يصلى صلاة الكسوف بالامة ويبكي خوفا على الامة وليس حزنا على ابنه. شاف النبي بنته رقية بتموت وخرج في غزوة بدر - 00:13:08
شاف النبي خديجة ماتت وابو طالب مات وهو بينزل يلف على قبائل العرب يكلمهم عن ربنا. شاف النبي عليه الصلاة والسلام بنته زينب تموت ترسل لها ما تكفن فيه من ثيابه عليه الصلاة والسلام. وهو قاعد مع اصحابه يكلمهم. شاف النبي حفيده بيموت وبيحضر وروحه بتخرج - 00:13:28

وبنته بترسل اليه بيجي عشان يشهد حفيده في هذا الموقف وهو قاعد مع اصحابه بيربيهم ويتمنى عن ان يقوم ولا يقوم الا لما تقسم عليه فيأخذ اصحابه معه. شاف النبي مع الدود ما بيعتزرش عن الدعوة بحاجة. فقال وهو بيموت لا اعذر لكم عند الله ان خلص - 00:13:48

رسول الله وفيكم عين تطرف سعد بن ربيع جابها منين ؟ اما شاف النبي كده. علي ابن ابي طالب ما خدش اجازة مرضي من غزوة خيبر وهو طريح الارض بسبب عينيه - 00:14:08

حنظلة ما خدش اجازة شهر عسل. اجازة جواز. من غزوة احد. وهو لسه عريس ليلة الدخلة. لأنهم شافوا النبي ما بيأخذش اجازة ده مرضي ولا اجازة عارضة ولا اجازة اعتيادي ولا اجازة النبي عليه الصلاة والسلام حياته ربياني دعوت قومي ليلا ونهارا. شافوا النبي عليه الصلاة والسلام - 00:14:18

شافوا النبي في البطولة بتاعة النبي عليه الصلاة والسلام. يبقى يا اخوانى الدين ما بيقومش في الواقع. ان الدعاء يتكلموا عن الدين. نحن لم نخسر شيئا في هذا الواقع مسلما خسرنا من ان الدعوة اتحولت لدرس وميكروفون ثم لا يرى الناس الداعية - 00:14:38
ولا يرد على الناس. لم نخسر شيئا مسلما خسرناه من هزا. طب الحل ايه نسيب الميكروفونات ونزل ؟ لا. دي ودي. شريطتين قطر جمب بعض ننزل للناس نعيش وسط الناس. نفهم الناس. يعني انا النهاردة مسلا في موضوع الورس والخلص في الورس والكلام ده

انا مالي يا عم! انا - 00:14:58

مال يا عم ورثه ومش ورس! ده انا كان زمانى قعدت قريت خمس تجزاء قرآن في الوقت ده! اش ما لك! انت تفهم الحياة. انت تفهم الوضع دكتور غريب اتفضل فضيلة الدكتور انت تفهم الحياة. انت بتفهم الناس بتفكر ازاي. لأن ده هيقعد لك في خطبة جمعة. لو ما انتاش فاهمه لن - 00:15:18

حصل مع ولن تفいで عشان كده يا اخوانى يعني هذه الكلمة آآ التي اردت ان اقولها نصيحة لي والاخوانى الدعاة ان لازم نحتضن الاخوة ولازم نعيش نصوص ونصيحة للاخوة ودي الاهم بقى وهزه هي الاهم نصيحة لك انت. نصيحة لك والاخواتنا الفاضلات نصيحة لكم يا جماعة - 00:15:39

يا جماعة الدين مش انك انت تسمع درس. الدين ليس ان تستمع الى درس ثم ينتهي الامر. الدين انك تعيش دين. انك انت انت تعيش يعني عشان كده بفضل ومنة الله امبارح مسلا في السلام قلت ايه ؟ المسجد اللي جنب بيتي اللي هو مسجد البدر كل يوم اتنين هنعمل ليلة تربوية تشرح - 00:15:59

ونعيش معها. وبعد مسلا ما شرحنا سورة الزمر مسلا قم صل بها بقى. قم عش مع معاني الآية تربية. الكلام بقى اللي يخرج بحق وحقيقة اللي يخرج رجاله بحق وحقيقة. باذن الله سبحانه وتعالى. دكتور عبدالرحمن الشیخ احمد جلال دكتور غريب كل الدعاة. كل المربين نشتغل. نشتغل ونتواصل - 00:16:19

قلت للاخوة امبارح المربين اللي عاملين العواميد اللي بعد الدرس هؤلاء دعاة وعرض عليهم الفضائيات ولكن مؤمن انه يعيش وسط الناس مؤمن انه يعيش وسط الاخوة. مؤمن ان هو بيبني ويربى. نحن لا نصنع امجادا لانفسنا. انما نبني دين لما نموت - 00:16:39
نسيب دين. انت هتسير ايه ؟ انت لو فضلت ماشي بالسرعة بتاعتك دي هتوصل امتى ؟ انت لو فضلت ماشي زي ما انت هتوصل ولا مش هتوصل ؟ انت اللي جوة قلبك ده تنفع انك تقابل ربنا به ولا لأ؟ صحيفتك ينفع انها ترفع الى الله ولا لا؟ عايزين نتعرف على بعض يا جماعة - 00:16:59

عايزين نعيش في اعمال بيئية الایمان. عايزين نبني بيئات ايمان. عايزين نبني عمل الشیخ عماد جلال يوم الاربع. ان شاء الله باذن الله الدرس بتاعه. واظن ان هو هيعلم المعسکر يعني يجمع فيه من شاء الله من الدعاة من اجل ان هو يتولى هذا الامر. دكتور عبدالرحمن الصاوي الدرس بتاعه اللهم لك الحمد بيئه ايمان - 00:17:19

اللهم لك الحمد يعني تفرح ما شاء الله لا قوة الا بالله ان هذا الجمع من الاخوة ان شاء الله كتاب الله يعني جاي وبيحضر وبيسعى على دينه الخير موجود اهو - 00:17:39

نتعرف على بعض بقى ونتواصل مع بعض. ربنا يسدكم يا اخوانى وربنا يفتح عليكم. ربنا يبارك دكتور غريب ما عرفتش ارحب به بقى قوي. يعني لان انا يعني كنت اتحدث حينما دخل ربنا يبارك فيكم وجزاكم الله خيرا - 00:17:49

رمضان بيتي اللي معك هو طبعا الدكتور حازم اذا تكلم اخذنا دفعة ولو لم نسمع يعني احد اخواننا اللي اللي ربنا يمن عليه بالتوبة كنت باخطب في مسجدي امس في القاهرة فيبيقول ان سبب توبيته وهو كان مطرد - 00:18:04

فيبيقلب في الفضائيات عشان يشوف الفيلم والتمسيلية والاغنية فلقى واحد قاعد يزعق بيقول انا مستنى روحه تطلع وهو بيتكلم. والله بنفس اللفظ. والمستنى من حماسه وقوته يموت قدامى. قلت الرجال ده خلاص آآ دماغه هتنفجر. مستنى قلت اسمعه هشوف هيموت امتى. خلص الدرس والحمد لله ربنا امد في عمره - 00:18:29

بعدها بفضل الله كانت البداية له ترك الاغاني والموسيقى وترك الفتنة التي تتعرض له وتاب الى الله. لما شاف الدكتور حازم طبعا دي زقة حلوة ولا بقيته كم كيلو دلو قتي ؟ لسة محتاجين زقة برضو - 00:18:58